

Monday, August 11, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

HAR GHAR TIRANGA

Har Ghar Tiranga pualin naktuk hian Vanapa Hall, Aizawlah Tiranga Mela leh Tiranga concert neih a ni dawn a, hetah hian exhibition, handicrafts, handloom leh food court te hawn a ni dawn a ni.

Akashvani Aizawl zawhna chhangin, Art & Culture Department Joint Director, Pu F. Lalthanmawia chuan Ministry of Culture hmalakna a nih angin, Art & Culture Department chu nodal department an ni a ti a, tun dinhmunah Aizawl tih loh Mizorama district hrang hrangah te DC kaihhruaina hnuaiah exhibiton leh thil dang dang ti turin hma an la mek a ti a, Aizawl district-ah pawh hmun 25-ah exhibition neih tur zinga hmun 24 an nei fel tawh tih sawiin, zirna in hrang hrang bakah bazar hmuna te an nei tawh a ti a, hemi bakah hian Har Ghar Tiranga programme, Tiranga Mahotsav pualin naktukah Vanapa Hall, Aizawlah Tiranga Mela leh Tiranga concert neih a ni dawn a ti a, Tiranga Mela bik chu ni 3 chhung naktuk, August ni 12 atanga ni 14 thleng Vanapa Hall kawt leh a chhung corridor-ah te neih a ni dawn a, hetah hian handicrafts, handloom leh food court te hawn a ni dawn a, hetah hian Aizawl district chhunga exhibiton 25-na tur siam a ni dawn tih a sawi bawk a ni.

Byte: Pu F. Lalthanmawia

Ministry of Culture, Govt. of India chuan Har Ghar Tiranga chu kumin 2025 hian state leh UT tinte hmang turin a sawm leh a, kumin hian Phase I-III a thenin kawng chi hrang hrang a India Zalenna hriatrengna kum 79 na hman dan tur Central Ministry chuan a rawn duang a ni.



BAIRABI-SAIRANG RAILWAY LINE

DoNER Minister Jyotiraditya M. Scindia chuan rel kawngin Mizoram khawpui Aizawl a tlawh tur chu a lawmpui thu sawiin ram zalen hnua hmasawnna ropui tak ani tih a sawi.

He thu hi social media kaltlanga sawiin Union Minister for Communications and Development of the North Eastern Region Jyotiraditya M. Scindia chuan kilometre 51.38 a thui Bairabi leh Sairang inkar rel kawng zawh fel a ni chu lawmawm atih thu sawiin rel kawngin Mizoram khawpui Aizawl a tlawh tur chu a lawmpui takzet a ti a, ram zalen hnua hmasawnna ropui tak ani tih a sawi.

Sairang Rel station hawn hun tur leh Mizoram chhim lama rel kawng kal zel tur chungchang sawiin Chief Minister Pu Lalduhoma'n a pisa ah NF Railway (Construction) General Manager Pu AK Chaudhary leh a thawhpuite chu July ni 31

khan a kawm a, Sairang rel station hawng tur hian Chief Minister hian Prime Minister Pu Narendra Modi a sawm a, theih anga lo inbuatsaih lawk ni se an ti a, Union Railways Minister-in a lo tiam tawh ang a, Sairang rel station chu khawvel huapa tha pawl ni thei tura siam chhoh zui dan tur leh Rajdhani Express a rang lama tlantir nghal dan tur te pawh an sawi dun a ni.

Pu Chaudhary hian, tunah hian rel kawng leh Station te hi chu hawn theiha peih a ni tawh tih sawiin Sairangah Secondary Maintenance Facility Centre for Coaches chu an sa leh mek tih sawiin hei hian thla khat leh a chanve vel a awb dawn tih a sawi bawb.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar puan leh a ni ang.



PALAK MLA

Palak Bialtu MLA Pu K. Hrahmo-a'n BJP chu a lian tawh hle a, party dang ten an huphurh rawn tawh niin a sawi.

Wawiina BJP Mizoram Headquarters-a party chhung inkhawma thu a sawinaah, Palak Bialtu MLA Pu K. Hrahmo chuan tunhnaia Chakma Autonomous District Council By-election campaign in Chawngte a an kal ve thu sawiin, Party pathum- BJP, ZPM leh MNF inbeihna a ni a, an inbeih tawb em avangin boruak a tang hle a ti a, BJP chu chak ngei tura an rin lain, inthlan result-ah BJP chu vote 9 chauhin an chak zo lo a, hei hi MNF chuan ZPM an vote pui vang a ni a ti a, BJP chu Pathian zarah an lian tawh hle a, ADC-ah chuan huphurh ber party an ni tawh tih sawiin hei vang hian party dangten an beihrawn a, BJP chu beihrawn tlak party an ni ve tawh tih a sawi bawb.



NATIONAL DEWORMING DAY

Wawiin khan Govt. GM High School-ah kumin chhunga a vawi hnih nan rulhut laka invenhim dan inzirtirna leh naupangte rulhut damdawi pek ni, National Deworming Day hman a ni

Wawiina hun hmanah hian Champhai District Education Officer (DEO) Pi K. Lalsiamliani chuan khawlaia inthiar awm tawh lo, Open Defecation Free (ODF) an nih bakah faina leh hriselna kawngah hma an sawn zel thu a sawi a. National Deworming Day chu rulhut laka invenhimna leh hriselna kawnga hmasawnna rahbi pawimawh tak a ni tih sawiin zirlai te'n an thil zir te vawnga inah leh sikulah hmang tangkai turin a fuih a ni.

He hunah hian Rashtriya Bal Swasthya Karyakram (RBSK) Medical Officer Dr. Rosie Rosangpuii chuan naupang hnenah zirtirna pein rulhut chungchang hriattur hrang hrang a sawi a, Zirlaite hnenah hian rulhut damdawi Albendazole 400 mg pek a ni bawk.



MHIP

Kumin Independence Day vawi 79-na lawmna atana inbuatsaihna kal zelah Aizawl District huamchhunga Home hrang hranga thilpek semchhuah tura rel anih angin vawiin khan MHIP chuan Home hrang hrang 10 ah thilpek a sem chhuak.

Home thlanchhuah 10 hnena tanpuina semchhuak tur hian MHIP General Headquarters kutah dah a ni angin, vawiin khan MHIP Gen. Hqrs. President Pi Lalliani chuan heng Home thlanchhuahte hnenah hian cheng sang 5 theuh a hlan a ni.

